

Kontonut akiliifinnut piumasaqaatit

01.05.2021-mit atuuttoq.

1. Aallaqqaasiut

Piumasaqaatit uku kontonut akiliissutaasartunut, akiliilluni nuussisarnernik naammassinninnissaq siunertaralugu pilersinneqartunut atuupput.

Konto akiliissutaasartoq ass. akissarsianut kontuuvoq, kisianni meeqqat ileqqaagaannut kontuunani.

GrønlandsBANKEN-ip immikkoortortaani aningaasanik ikisinerit tigusinerillu aamma kontonni nuussinerit eqqaassanngikkaanni, akiliisarnermi kiffartuussinernik atuinnermut akiliisarnermi atortunik atuineq pillugu immikkut isumaqatigiissutit ass. korteqarnermut piumasaqaatit piumasaqaataapput.

2. Inummut paasissutissanik suliaqarnermut akuersissut

Kontomik akiliissutaasartumik pilersitsinissamut isumaqatigiissuteqarnermi akuersissutigaat, kiffartuunneqarnermik tamatuminnnga nioqquteqarnermut atatillugu, matuma ataani akiliilluni nuussinernik naammassinninnermut imaluunniit iluarsinnermut atatillugu atugassatut inuttut paasissutissatit suliarineqartassasut. Inummut paasissutissat suliarineqarsinnaasut ass. tassaasinnaapput inuup normua, najugaq aamma kontop normua.

Paasissutissat ukiut ingerlanerini paarineqassapput, tamatumalu kingorna ukiuni tallimani.

Qaqugukkulluunniit akuersissutit tunuartissinnaavat, eqqumaffigissavalli, taamaaliornikkut kontot atorsinnaajunnaassagakku.

3. Akiliisarnermi kiffartuussinerup ilisarnaataa pingaarneq

Akiliisarnermi kiffartuussinerit tassaapput, kontomut akiliissutaasartunut ikisinissamut taakkuninngalu tigusinissamut periarfissaqartitsisut, ass. Netbank aamma Visa/Dankort.

Kontomut akiliissutaasartumut ikisinerit ilinnit imaluunniit allanit aningaasanik tunniussinikkut, nunamit allamit checkinik tigusinikkut, GrønlandsBANKEN-imi kontomit nuussinikkut aamma aningaaserivimmit allamit nuussinikkut pisinnaapput.

Kontomit akiliiffiusartumit tigusinerit illit aningaasanik tigusininni, GrønlandsBANKEN-imi kontonut nuussinermi, aningaaserivinni allani kontonut nuussinermi, akiliisarnermi atortunik atuinnermi aamma akiligassanik akiliinnermi pisinnaapput.

4. Akiliisarnermi kiffartuussinermik naammassinninnissamut paasissutissat atugassat

Tigusinerni nalunaarsuinnermut nr. (reg. nr.) aamma konto nr., aningaasat tiguneqarfissaannut kontomut attuumassuteqartoq paasissutissiissutigissavatit.

Nunap iluani nuussinerni aamma nalunaarsuinnermut nr. (reg. nr.) aamma konto nr. aningaasat nuunneqarfissaannut kontomut attuumassuteqartoq paasissutissiissutigissavatit.

Nunap killeqarfiata avataanut akiliilluni nuussinerni ilanngullugit paasissutissiissutigissavatit tigusisussap IBAN-nr.-a aamma SWIFT-kodea.

Pinerlunnikkut aningaasarsianik malunnarunnaarsaasoqarneranik imaluunniit peqqarniisaarniarnermut aningaasaliisoqarneranik pasilliuteqartoqarpat SWIFT-ip nuussinermi paasissutissat Amerikami oqartussaasunut tunniuttussaavai.

Ataatsimut ikisinnermi kortimik akiliinnermi FI-akiitsoqarfiup normua (FI-kreditornummer) paasissutissiissutigineqassaaq.

GrønlandsBANKEN-ip akileeqqusissut, akileeqqusissummi allassimasutut ilisarnaatitut kode paatsuugassaannngitsoq naapertorlugu naammassineqarsimasoq, eqqortumik naammassineqarsimasutut isigisarpaa.

5. **Akiliilluni nuussinermik naammassinninnissamut akuersissuteqarnerup ilusaa ingerlariaasaalu kiisalu akuersissummik tunuartitsineq**

Assersuutigalugu tulluuttut malillugit akileeqqusissuteqarsinnaavutit:

- GrønlandsBANKEN-imut takkullutit saaffiginninnikkut
- Netbankikkut
- GrønlandsBANKEN-imut allakkamik nassiussinikkut.

Tigusineq illit atsiorninnik imaluunniit Netbankimi MitID-mik atuinikkut uppersarsarneqassaaq.

GrønlandsBANKEN-ip akileeqqusissummik naammassinnissinnaaneranut piumasaqaataavoq, kontomi pineqartumi aningaasat matussuserneqarsinnaanissaat.

GrønlandsBANKEN-ip akileeqqusissut tigusiappagu, tunuartinneqarsinnaangilaq.

Akileeqqusissulli, piffissami kingusinnerusumi aatsaat naammassineqartussaq, ulloq isumaqatigiissutaasoq sioqqullugu aningaaseriviup ulloq ammaffissaata kingulliup naanerani kingusinnerpaamik tunuartinneqarsinnaavoq.

Akileeqqusissut tunuartikkusukkukku, tamanna netbankikkut imaluunniit GrønlandsBANKEN-imut saaffiginninnikkut pisinnaavoq. GrønlandsBANKEN tunuartitsinermut akiliummik akileeqqusinissamut imminut pisinnaatippoq.

Akileeqqusissut kukkunerit pissutigalugit itigartinneqarpat, GrønlandsBANKEN-ip tamanna pillugu nalunaarfigissavaatit, itigartitsinermut nassuiaateqarluni aamma kukkunerup itigartitsinermik kinguneqartup iluarsinissaanut ingerlanissaa pillugu.

6. **Piffissap akileeqqusissutit tiguneqarfiata nassuiarnera**

Akileeqqusissut tiguneqartutut isigineqassaaq ullormi aningaaseriviup ammaffiani, GrønlandsBANKEN-ip akileeqqusissummik tigusiiffiani.

Arfininngornerit, sapaatit aamma nalliuttut, juulliaaraq, ukiutoq, inatsisitaarfik aamma qilaliarfiup kingorna tallimanngorneq aningaaseriviup ammaffigineq ajorpai.

Akileeqqusissutit, ullormi aningaaseriviup ammaffiata naangajalernerani imaluunniit ullut aningaaseriviup ammaffiisa akornanni tiguneqartut, ullormi aningaaseriviup ammaffissaani tulluuttumi tiguneqartutut isigineqassapput, ullormilu aningaaseriviup ammaffissaani aggersumi aatsaat suliarineqassallutik. Akileeqqusissutinik, ullormi aningaaseriviup ammaffiani tassani suliarineqartussatut tiguneqarnissaannut piffissaliussaq kingulleq pillugu paasissutissanik sukumiinerusunik, GrønlandsBANKEN-imut saaffiginninnikkut pissarsinnaavutit.

GrønlandsBANKEN-ip systemimik neqerooruteqartoq Danmarkimeersoq atorpaa, taanna qallunaat nalunaqutaat malillugu sulivoq, tamanna akileeqqusissummik naammassinninnissamut sunniuteqarsinnaavoq. Systemimik neqerooruteqartumik Danmarkimeersumik toqqaasimanerup akornutissartarisinnaasaanut GrønlandsBANKEN arlaannaatigulluunniit akisussaasuunngilaq.

7. **Naammassinninnissamut piffissap annertunerpaaffissaa**

Naammassinninnissamut piffissaq tassaavoq, akiliilluni nuussinermik tigusiussap kontoani naatsorsorneqarsinnaalernissaanut piffissaq.

Danmarkimi aamma nunani EØS-imik taaneqartartunut taakkunanngalu, EØS-imi aningaasaanik ikisinernut aamma tigusinernut naammassinninnissamut piffissap annertunerpaaffissaa nalinginnaasoq tassaavoq aningaaseriviup ulloq ammaffia ataaseq, kisianni tamatumani apeqqutaavoq nuusseriaatsip atorneqartup suunera

aamma nunap aningaasai. Matumunnga ilanngunneqassaaq akiliinerup GrønlandsBANKEN-imit tiguneqarneranit Danmarkimi aningaaseriviup suleqatigisaanik tiguneqarnissaanut piffissaq atorneqartoq.

Akileeqqusissutitut pappialakkut tiguneqartunut, matuma ataani akiliinermut kortinut, immersugassanut imaluunniit nalunaarutitut elektroniskiusunut, naammassinninnissamut piffissaq ullunik aningaaseriviup ammaffiinik marlunnik sivilissuseqarsinnaavoq.

GrønlandsBANKEN-ip systemimik neqerooruteqartoq Danmarkimeersoq atorpaa, taanna qallunaat nalunaaqutaat malillugu sulivoq, tamanna akileeqqusissummik naammassinninnissamut sunniuteqarsinnaavoq. Systemimik neqerooruteqartumik Danmarkimeersumik toqqaasimanerup akornutissartarisinnaasaanut GrønlandsBANKEN arlaannaatigulluunniit akisussaasuunngilaq.

8. Akiliinerit pillugit paasissutissat

Nuussinerit pillugit paasissutissat minnerpaamik qaammamut ataasiarluni pappialakkut imaluunniit elektroniskiusumik tunniunneqartarput.

9. Akigititat

GrønlandsBANKEN-ip akigititai kiffartuussinermut Akini takuneqarsinnaapput. Matuma saniatigut GrønlandsBANKEN-ip akiliinerit aalajangersimasut akiliisarnermi kontomut atassuteqartut pillugit minnerpaamik qaammamut ataasiarluni paasissutissat ilinnut tunniuttassavai.

Kontonnut aningaasanik nuussisoqarpat, GrønlandsBANKEN pisinnaatitaavoq aningaasat kontonnut ikineqannginneranni, akiliinermik aningaasanut nuunneqartunut attuumassuteqartumik ilanngaassalluni.

GrønlandsBANKEN imminut pisinnaatippoq, akileeqqussummut itigartitsissutaasumut tunngavilersuineq pillugu nalunaaruteqarnermut atatillugu akiliisitsissalluni.

GrønlandsBANKEN imminut pisinnaatippoq, kontomik imaluunniit ilisarnaatitut kodemik kukkusumik paasissutissiisimaguit, aningaasanik utertitsinissamik misiliinermut akiliisitsissalluni.

GrønlandsBANKEN nunamit allamit nuussinermik tigusaqaruni, aningaasanit nuunneqartunit akiliutaasinnaasoq ilanngaatigineqassaaq.

10. Aningaasanik taarsiinerit nalingi

Aningaasanik taarsiinerit GrønlandsBANKEN-ip ullormi suliffiusumi ikisiffiusumi aamma tigusiffiusumi pisinermi aamma tunisinermi nalit aalajangersarneqartut atorneqartarput.

GrønlandsBANKEN aningaasanik taarsiinermi naliusumik aalajangersagaasumik nalunaaqqaarnani allannguisinnaavoq.

11. Oqaatsit aamma attaveqatigiinneq

GrønlandsBANKEN kalaallisut qallunaatullu isumaqatigiissusiortarpoq attaveqartarlunilu, isumaqatigiissummi allatut allassimasoqanngippat.

12. Inissinernik nakkutiginninneq

Kontonni inissinerit ingerlaavartumik nakkutigissallugit pisussaavutit. Nakkutiginninnermi nuussinernik, pisinermi uppersaatinnut naapertuutinningsunik, imaluunniit illit suliarisimangissorisanik nassaaruit, sapinngisamik erngertumik GrønlandsBANKEN saaffigissavat.

Eqqumaffigissavat, akiliinermi nuussinernut akuerineqanngitsunut imaluunniit kukkusunut akerliliinissamut periarfissat pisuni tamani, aningaasat kontonniit nusunneqarnerannit qaammatit 13-it qaangiuppata atorunnaassammat.

13. Nalunaaruteqarneq

Atornerluisoqarneranik pasitsaassinnermi imaluunniit atornerluisoqarnerani imaluunniit isumannaassutsip aarlerinaateqarnerani GrønlandsBANKEN-ip oqarasuaatikkut saaffiginninnikkut, webbankikkut nalunaaruteqarnikkut imaluunniit ingerlariaatsikkut allakkut isumannaatsukkut nalunaarfigisinnaavaatit.

14. Matusineq

GrønlandsBANKEN akiliisarnermi kiffartuussinnermik atuinnermik erngertumik matusinissamut imaluunniit akiliinnermi nuussinnermik naammassinninnginnissamut pisinnaatitaavoq, ima pisoqarpat:

- a) allap pingajuusup eqqunngitsuliorluni atuinera ilisimaneqarpat imaluunniit pasitsaanneqarpat,
- b) akiliisarnermi kiffartuussinnerit imaluunniit akiliisarnermi atortut pillugit paasissutissat tusaamanerlugaalersimasut ilisimaneqarpat imaluunniit pasitsaanneqarpat,
- c) piffissap sivikitsup iluani akiliisarnermi kiffartuussinnermik atuineq, nalinginnaasumit allaanerusoq pippat,
- d) illit imaluunniit inuk, illit sinnerlutit iliuuseqartartoq, isumatusaarluni iliuuseqarnissamut pisinnaanngitsoq nalilerneqarpat,
- e) sullinneqarneq imaluunniit konto, akiliisarnermi kiffartuussinnerup atassuteqarfia, ilinnit imaluunniit GrønlandsBANKEN-imit atorunnaarsinneqarsimappat, imaluunniit kontomik nalunaaqqaarnani atorunnaarsinneqarsinnaanissamut pissutissaasinnaasunik pissutsinik peqarpat,
- f) piumasaqaatit uku unioqqutinneqarpata, matuma ataani akiliisarnermi konto, akiliisarnermi kiffartuussinnerup atassuteqarfigisaa sippuiffigineqarpat,
- g) akiliisarnermi pisussaaffiit naammassisinnaanngikkut malunnartumik annertuumik aarlerinaateqarpat, akiliisarnermi kiffartuussinnermut atatillugu akiitsorsinnaanermik atukkiisoqarsimagaluarpalluunniit,
- h) akiliisarnermi atortoq nutarterneqarsimappat, siullerlu isumannaallisaaneq pissutigalugu matuneqassappat,
- i) aningaasat killiliunneqartutut isumaqatigiissutaasut qaangerneqarpata, imaluunniit
- j) akiliisarnermi kiffartuussinnerup isumannaallisarnernanut atatillugu pisariaqarpat imaluunniit akuerisaanngitsumik atuisoqarnera pasitsaanneqarpat.

Sippuinnermi, periarfissaappat, akiliisarnermi kiffartuussinnerup matuneqannginnerani akileeqqusissummik tigusaqaqqaassaait.

GrønlandsBANKEN-ip akiliisarnermi konto erngertumik matusariaqalerpagu, matusinnerup kinguninngua tamanna pillugu nalunaarummik tigusissaait, tassani pissutaasok piffissarlu ilanngunneqassappat.

15. Akiliinnermi nuussinnerit akuerineqanngitsut

Akisussaaffiliineq akisussaaffillu avinneqassapput, akiliisarnermi kortimut aningaaseriviup piumasaqaataanut atuuttut malillugit.

16. GrønlandsBANKEN-ip akiliinnermi nuussinernik naammassinninnermut akisussaaffia

GrønlandsBANKEN piumasaqaatit uku naapertorlugit akiliinnermik naammassinninnginnermi imaluunniit amigartumik naammassinninnermi toqqaannartumik annaasaqaatinnut akisussaasuvoq. Tamannali atuutinngilaq, GrønlandsBANKEN-ip uppersarsarsinnaappagu, akiliutininik tigusisussap aningaaseriviata aningaasat tigusimagai.

17. Akiliinnermi nuussinnermik utertitsinnerit akiliutininik tigusisumit imaluunniit akiliutininik tigusisoq aqqutigalugu aallartinneqartut

Akisussaaffiliineq akisussaaffillu avinneqassapput, akiliisarnermi kortimut aningaaseriviup piumasaqaataanut atuuttut malillugit

18. Atuutillernera sivilissusaalu

Piumasaqaatit uku ullormit taaneqartumit atuupput, GrønlandsBANKEN-imit allannngortinneqarnissaat imaluunniit atorunnaarsinneqarnissaat tikillugu.

19. Taamaatitsineq

Akiliisarnermi kontonik atuinnermut isumaqatigiissutit taamaatikkusukkukkit, tamanna pissaaq allakkatigut qaammammik ataatsimik siusinaarluni nalunaaruteqarnikkut.

GrønlandsBANKEN-ip akiliinnermi kiffartuussinnerit pillugit isumaqatigiissutit qaammatinik marlunnik siusinaarluni nalunaaruteqarnikkut taamaatissinnaavai.

20. Naammagittaalliutit

GrønlandsBANKEN pillugu naammagittaalliorusukkuit, siullertut GrønlandsBANKEN attavigeqqaassavat.

Matuma kingorna saaffiginninnermi GrønlandsBANKEN-ip sullissinera imaluunniit inernerusoq sulisumaqatigiinnikkukku, GrønlandsBANKEN-imi naammagittaalliortarnermut akisussaasoq attavigisinnaavat. Naammagittaalliortarnermut akisussaasoq pillugu paasissutissat GrønlandsBANKEN-imi imaluunniit GrønlandsBANKEN-ip nittartagaani pissarsiarineqarsinnaapput.

Saaffiginnissut naammaginartumik inerineqanngippat, naammagittaalliutit tunniussinnaavat Atuisartut Pisisartullu Maalaarutaannik Aalajangiisartunut, Atuisartoqarnermut Unammilleqatigiinnermut Aqutsisoqarfik, Imaneq 29, 1. sal, Postboks 689, 3900 Nuuk, Oqarasuaat (299) 328033, E-mail: maalaarut@nanoq.gl, www.aua.gl.

GrønlandsBANKEN-ip aningaaserinermik inatsimmik eqqortitsineq pillugu naammagittaalliutit Finanstilsynet-imut naammagittaalliutigineqarsinnaapput, www.finanstilsynet.dk.

GrønlandsBANKEN-ip inummut paasissutissanik suliaqarnera pillugu uunga naammagittaalliutigineqarsinnaapput Datatilsynet, www.datatilsynet.dk.

21. Akiliinermi kiffartuussinernik neqeroruteqarteq

GrønlandsBANKEN Imaneq 33, 3900 Nuuk aningaaserivittut akuerisaavoq kiisalu Finanstilsynet-imit nakkutigineqarluni, www.finanstilsynet.dk.

GrønlandsBANKEN uani attavigineqarsinnaavoq Imaneq 33, 3900 Nuuk aamma e-mailikkut banken@banken.gl.

22. Inatsisinik toqqaaneq aamma eqqartuussivik suliasinneqartussaq

Isumaqatigiinnngissutit eqqartuussivikkoortut kalaallit inatsisaat malillugit kiisalu Kalaallit Nunaanni eqqartuussivimmi aalajangiivigineqassapput.

23. Piumasaqaatit uku assingi

Qaagukkulluunniit piumasaqaatit uku assingi GrønlandsBANKEN-imut saaffiginninnikkut pisinnaavatit imaluunniit GrønlandsBANKEN-ip nittartagaani nassaaarsinnaavatit.

24. Niuernermi piumasaqaatit nalinginnaasut il.il.

Kontonut akiliissutaasartunut aamma akiliinermi kiffartuussinernut GrønlandsBANKEN-ip Niuernermi piumasaqaatai nalinginnaasut atuupput.

Nunamit allamit aamma nunamut allamut akiliinernut, Nunamit allamit nunamullu allamut nuussinernut piumasaqaatit atuupput.

25. Kontonut akiliissutaasartunut piumasaqaatinik allannguineq

Piumasaqaatit uku qaammatinik marlunnik sioqqutsilluni nalunaaruteqarnermi allanngortinneqarsinnaapput, allannguut ilinnut iluatsitsissutaassanngippat. Allannguutit pillugit allakkatigut imaluunniit elektroniskiusumik nalunaarummik tigusissaatit. Allannguutit allat nalunaaruteqaqqaarnani pisinnaapput, GrønlandsBANKEN-illu tamatuma kingorna tamanna ilisimatitsissutigissavaa.

Piumasaqaatinik ukuninnga nalunaaruteqareerluni allannguineq akuerineqartutut isigineqassaaq, ullup atuutilerfissaa sioqqullugu GrønlandsBANKEN-imut nalunaaruteqarsimanngikkuit, malittarisassat nutaat pituttorsimaffigerusunnagit. Taamaappat piumasaqaatit allanngortinneqartut piffissami atuutilerfiani akiliinermi kiffartuussinernik atuinnermut isumaqatigiissutit atorunnaassapput.

26. Akit

Akit qaagukkulluunniit atuuttut akinut allattorsimaffimmi nassarineqarsinnaapput.